

## Jí<sup>2</sup> 'láa<sup>2</sup> 'wii<sup>212</sup> 'e gasii<sup>1</sup> in San Juan tíi<sup>2</sup> 'in jai<sup>2</sup> líi<sup>2</sup> Jesucristo

*Júu<sup>3</sup> tya' juncwii<sup>21</sup> 'e cwo<sup>1</sup> Dios tsá<sup>2</sup>*

<sup>1</sup> Jmoo<sup>21</sup> o'o 'e jí<sup>2</sup> lo cwáain<sup>1</sup> tya' 'in tyán<sup>1</sup> júu<sup>3</sup> tya' Dios jacoon<sup>1</sup> jee<sup>212</sup> jna' ca la jée<sup>1</sup>gi la mo 'wiin<sup>212</sup> seen<sup>21</sup> mo 'ii. Nanuu<sup>2</sup>oo'o júu<sup>3</sup> tya'a joon nanee<sup>212</sup> moo'o coon<sup>13</sup> unnii<sup>21</sup> i'i joon gajøø<sup>2</sup> moo'o, gasaan<sup>13</sup> a'a tya'a coon<sup>13</sup> cwo<sup>21</sup> o'o. <sup>2</sup> Joon gajnéi<sup>1</sup> 'e juncwii<sup>21</sup> no jee<sup>212</sup> jna'a joon gaee<sup>21</sup> e'e jmoo<sup>21</sup> o'o júu<sup>3</sup> joon 'ee<sup>13</sup> e'e 'naa' 'e juncwii<sup>21</sup> no 'e jo tyéi<sup>1</sup> do. E juncwii<sup>21</sup> no gateen<sup>1</sup> coon<sup>13</sup> Ñu<sup>1</sup>u' joon gajnéi<sup>1</sup> jee<sup>212</sup> jna'a. <sup>3</sup> Jmoo<sup>21</sup> o'o 'naa' júu<sup>3</sup> jilaa<sup>21</sup> 'e ganee<sup>21</sup> e'e joongi ganuu<sup>21</sup> u'u 'e ilisicaan<sup>21</sup> naa' coon<sup>13</sup> jna'a. Joon jna'oo'o 'e la ja<sup>2</sup> mo sicaan<sup>21</sup> moo'o coon<sup>13</sup> Dios Jmii<sup>21</sup> joongi coon<sup>13</sup> jóon<sup>1</sup> on Jesucristo. <sup>4</sup> 'Wii<sup>13</sup> joon siin<sup>21</sup> jna'a 'e jí<sup>2</sup> lo tyii' itsiin<sup>2</sup> mo 'e jløø<sup>13</sup> moo'.

*Dios jmoo<sup>1</sup> o jná<sup>2</sup> joo<sup>21</sup> li taain<sup>212</sup> tsá<sup>2</sup> juncwii<sup>21</sup>*

<sup>5</sup> 'E júu<sup>3</sup> lo ga'ee<sup>1</sup> Jesucristo jna'a, joon jmoo<sup>21</sup> o'o 'naa' júu<sup>3</sup>: Dios 'in<sup>2</sup> tyúi<sup>1</sup> gi líí<sup>1</sup> joon ñi<sup>1</sup> o jilaa<sup>21</sup>, ce jiiin<sup>13</sup> xu 'e gó<sup>2</sup> jo sá<sup>2</sup> tya'a. <sup>6</sup> Wa jin<sup>2</sup> tsá<sup>2</sup> 'e sicaain<sup>21</sup> coon<sup>13</sup> Dios joon ngii<sup>1</sup> to<sup>2</sup> gó<sup>2</sup>, tajuu<sup>21</sup> mo 'ii coon<sup>13</sup> jilaa<sup>21</sup> 'e faa<sup>21</sup> a joongi jilaa<sup>21</sup> 'e jmoo<sup>1</sup> o. <sup>7</sup> Pe wana ngii<sup>21</sup> i' jmai<sup>2</sup> 'e tyú<sup>2</sup> u la ngi<sup>1</sup> Dios 'in tyúi<sup>1</sup> sicaan<sup>21</sup> na' la jaain<sup>21</sup> la jaan<sup>21</sup> na'. Joon iuntyúu<sup>1</sup> i jna' jilaa<sup>21</sup> tsaa<sup>2</sup> tyi' coon<sup>13</sup> 'e jmi<sup>1</sup> 'øø<sup>21</sup> i 'e gatuun<sup>2</sup> un tya' Jóon<sup>1</sup> Dios 'in sii<sup>21</sup> Jesucristo.

8 Wa faa<sup>13</sup>a' 'e jo 'e tsaa<sup>2</sup> 'óo<sup>3</sup>o' tyiin<sup>2</sup>an' tóo<sup>2</sup> yiia', líi<sup>2</sup>na' tajuu<sup>21</sup>. 9 Pe wana røø<sup>212</sup>na' tsaa<sup>2</sup> tyi' tyani Dios, i'íin<sup>2</sup>mo Dios tsaa<sup>2</sup> tyi' jiin<sup>13</sup> la nifo<sup>2</sup>o. Joon iuntyúí<sup>1</sup> jna' jilaa<sup>21</sup> 'e 'laa<sup>21</sup>a' tsæ 'ii'<sup>21</sup> røø<sup>2</sup> jmoo<sup>1</sup> Dios. 10 Wana faa<sup>13</sup>a' 'e jo mo ga'naa<sup>21</sup>a' tsaa<sup>2</sup> cwóo<sup>13</sup>o' Dios tsaa<sup>2</sup> 'e tajuu<sup>21</sup>mo 'i. Joon jo mo ga'ii'<sup>13</sup>na' júu<sup>3</sup> tya' Dios 'e jai<sup>2</sup> to<sup>2</sup>.

## 2

### *Jesucristo, 'in faa<sup>21</sup>a 'wii<sup>212</sup> tyi'*

1 Síí<sup>3</sup>na 'e jí<sup>2</sup> lo tyi'naa' yuu<sup>21</sup> tyiia 'e jo 'noo<sup>2</sup>oo' tsaa<sup>2</sup>. Pe wana gatøøi<sup>1</sup> tsá<sup>2</sup> tsaa<sup>2</sup> tya'a seein<sup>21</sup> jaain<sup>21</sup> sii<sup>21</sup> Jesucristo 'in lí<sup>2</sup> faa<sup>21</sup>a 'wii<sup>212</sup> tya'a tyani Dios Jmii<sup>21</sup>. 2 Joon 'in Jesucristo jo ga'noo<sup>1</sup>o jiin<sup>13</sup> coon<sup>21</sup> tsaa<sup>2</sup>. Joon coon<sup>13</sup> la joon 'in Jesús do gatyii<sup>1</sup> jilaa<sup>21</sup> tsaa<sup>2</sup> tyi' mo najúun<sup>2</sup>in. Joon coon<sup>13</sup> la joon gauntyú<sup>2</sup>-tsi Dios 'wii<sup>212</sup> tyi'. Joon jon' jiin<sup>13</sup> tsaa<sup>2</sup> tyi' gatyí<sup>2</sup>, gatyí<sup>2</sup> jon tsaa<sup>2</sup> tya' jilee<sup>21</sup> tsá<sup>2</sup> 'in taain<sup>212</sup> juncwii<sup>21</sup>.

3 Wana nuu<sup>21</sup>u' júu<sup>3</sup> tyú<sup>2</sup> tya' Dios nee<sup>21</sup>o' 'e galicwii<sup>1</sup>mo' 'ii. 4 Pe wana jin<sup>2</sup> tsá<sup>2</sup>: “Cwí<sup>3</sup>moo 'ii”, joon jo jmoo<sup>1</sup>o nuu<sup>13</sup>u, tajuu<sup>21</sup>mo 'ii. 5 'In jmoo<sup>1</sup>o nuu<sup>13</sup> júu<sup>3</sup> tya' Dios 'e la ja<sup>2</sup>mo 'iin<sup>212</sup>in 'ido Dios jiin<sup>13</sup> la lí<sup>2</sup> 'e 'iin<sup>212</sup> Dios. Joon coon<sup>13</sup> la joon linee<sup>3</sup>e' 'e licaan<sup>21</sup>mo' coon<sup>13</sup> Dios. 6 Joon 'in jin<sup>2</sup> 'e sicaain<sup>21</sup> coon<sup>13</sup> Dios tíi<sup>2</sup> ngi<sup>1</sup> la gangí<sup>1</sup> Jesucristo.

### *'E júu<sup>3</sup> 'múui<sup>2</sup> tyu<sup>2</sup>u to<sup>2</sup>*

7 Tsaru<sup>1</sup>u', jo 'múui<sup>2</sup> 'e to<sup>2</sup> tyu<sup>3</sup>uu no. Ca la mo 'wiin<sup>212</sup> ganuu<sup>2</sup>uu'. Coon<sup>21</sup> røø<sup>21</sup> lí<sup>1</sup> 'e to<sup>2</sup> tyu<sup>3</sup>uu no la lí<sup>1</sup> 'e niganuu<sup>2</sup>uu' la mo jéei<sup>1</sup>. 8 Pe Jesús gasii<sup>21</sup> jna'

'e 'míi<sup>2</sup>mo 'e júu<sup>3</sup> lo 'e to<sup>2</sup> tyu<sup>3</sup>uu no. Jesús do galáa<sup>2</sup> 'wii<sup>212</sup> jmaa<sup>1</sup>a 'elo joon ga'ii<sup>13</sup>naa' 'e jmaa<sup>2</sup>aa'. La mo jéei<sup>1</sup> la jo mo licwii<sup>1</sup>na' Jesucristo lawa'a ngii<sup>21</sup>i' li nuu<sup>21</sup>. Pe ti li ngii<sup>21</sup>mo 'e nuu<sup>21</sup> no. Na'láa<sup>2</sup> 'wii<sup>212</sup> jná<sup>2</sup> joo<sup>21</sup> li saan<sup>3</sup>an' tsu 'wii<sup>13</sup> galicwii<sup>1</sup>mo' Jesucristo.

9 Joon wana jin<sup>2</sup> tsá<sup>2</sup> 'e ngi<sup>1</sup> li jná<sup>2</sup> joo<sup>21</sup> tya' Dios joon 'ee<sup>1</sup>mo ruu<sup>21</sup>i ngii<sup>1</sup>o li nuu<sup>21</sup>gi. 10 Tsu 'in 'iin<sup>212</sup>in ruu<sup>21</sup>i ngii<sup>1</sup> li jná<sup>2</sup> joo<sup>21</sup> tya' Dios joon ce jiin<sup>13</sup> coon<sup>21</sup> jo 'ee sóon<sup>3</sup>in. 11 Pe 'in tsá<sup>2</sup> 'in 'ee<sup>1</sup> ruu<sup>21</sup>i seen<sup>21</sup> 'e ngi<sup>1</sup> li nuu<sup>21</sup>. Joon jo jnaa<sup>2</sup> joo<sup>21</sup> xii'fu tsaa<sup>1</sup>a. Lawa'a tsá<sup>2</sup> tiui<sup>2</sup> líi<sup>1</sup>i.

12 Síi<sup>3</sup>na 'e jí<sup>2</sup> lo tyii', yuu<sup>21</sup> tyiia, tsu niga'in<sup>2</sup>mo Dios tsaa<sup>2</sup> tyii' 'wii<sup>13</sup> tya' Jesucristo nityi<sup>2</sup> tya'a. 13 Síi<sup>3</sup>na 'e jí<sup>2</sup> lo tyii' tsacøøi<sup>13</sup> tsu nigalicwii<sup>1</sup>moo' 'in gasein<sup>21</sup> mo 'láa<sup>2</sup> 'wii<sup>212</sup> juncwii<sup>21</sup> coon<sup>13</sup> jilaa<sup>21</sup> 'e sá<sup>2</sup>. Síi<sup>3</sup>na 'e jí<sup>2</sup> lo tyii' simii<sup>21</sup> tsu nigali<sup>2</sup>oo' 'in 'lii<sup>13</sup> do.

Joon gasi<sup>3</sup>na 'e jí<sup>2</sup> lo tyii', yuu<sup>21</sup> tyiia tsu nigalicwii<sup>1</sup>moo' Dios Jmii<sup>21</sup>. 14 Joon gasi<sup>3</sup>na 'e jí<sup>2</sup> lo tyii' tsacøøi<sup>13</sup> tsu nigalicwii<sup>1</sup>moo' 'in seen<sup>21</sup> mo 'láa<sup>2</sup> 'wii<sup>212</sup> jilaa<sup>21</sup> 'e sá<sup>2</sup> juncwii<sup>21</sup>. Joon gasi<sup>3</sup>na 'e jí<sup>2</sup> lo tyii' simii<sup>21</sup> tsu 'wii<sup>13</sup> pii<sup>21</sup>-oo' joon ga'ii<sup>13</sup>moo' júu<sup>3</sup> tya' Dios. Joon gali<sup>2</sup>oo' 'in 'lii<sup>13</sup> do.

15 Jo jmaa<sup>2</sup>aa' 'e 'iin<sup>212</sup>naa' 'e juncwii<sup>21</sup> lo jon'gi jmaa<sup>2</sup>aa' 'iin<sup>212</sup>naa' jilaa<sup>21</sup> 'e sá<sup>2</sup> juncwii<sup>21</sup>. Tsu wana jmoo<sup>2</sup>oo' 'e 'iin<sup>212</sup>naa' juncwii<sup>21</sup> jo i'in<sup>212</sup>naa' Dios Jmii<sup>21</sup>. 16 Tsu jilaa<sup>21</sup> 'e i<sup>1</sup>-tsi tsá<sup>2</sup> coon<sup>13</sup> jilaa<sup>21</sup> 'e suun<sup>21</sup>in tsá<sup>2</sup> coon<sup>13</sup> unni<sup>1</sup>i coon<sup>13</sup> jilaa<sup>21</sup> 'e jmoo<sup>1</sup>o jloo<sup>3</sup> tya'a jon' tya' Dios Jmii<sup>21</sup> 'e la joon, 'e tya' juncwii<sup>21</sup> jilaa<sup>21</sup> 'e la joon. Jiin<sup>13</sup> juncwii<sup>21</sup>

lo-o taain<sup>21</sup> tsá<sup>2</sup> 'e la joon. Jo cwo<sup>2</sup>gi Dios Jmii<sup>21</sup> 'e la joon. 17 Ti li tyé<sup>1</sup>mo juncwii<sup>21</sup> coon<sup>13</sup> jilaa<sup>21</sup> 'e gó<sup>2</sup> 'e jmoo<sup>1</sup>o tsá<sup>2</sup> 'e jo 'e to<sup>2</sup> tí<sup>2</sup>. Pe jileei<sup>21</sup> 'in jmoo<sup>1</sup>o la to<sup>2</sup> tyu<sup>2</sup> Dios seen<sup>2</sup>mo coon<sup>21</sup> tøø<sup>2</sup>mo.

*Xiiala lí<sup>1</sup> júu<sup>3</sup> jai<sup>2</sup> joongi xiiala lí<sup>1</sup> júu<sup>3</sup> tajuu<sup>21</sup>*

18 Yuu<sup>21</sup> tyiia, tyan<sup>2</sup> 'áa<sup>1</sup>mo nijó<sup>1</sup> i'íin<sup>2</sup> juncwii<sup>21</sup>. Joon nanúu<sup>2</sup>oo' 'e ijó<sup>1</sup> 'in 'eei<sup>1</sup> Cristo joon seen<sup>2</sup>mo fúui<sup>1</sup> 'in 'eei<sup>1</sup> Cristo nano, 'wii<sup>13</sup> joon nee<sup>21</sup>e' 'e ti li tyé<sup>1</sup> juncwii<sup>21</sup>. 19 'In tsá<sup>2</sup> do ga'wóo<sup>2</sup>i jee<sup>212</sup> jna' pe jon' tsá<sup>2</sup> tyi' 'ii. Tsu wana galíin<sup>2</sup> tsá<sup>2</sup> tyi' la jai<sup>2</sup> jo ga'wóo<sup>2</sup>i jee<sup>212</sup> jna'. Pe la lo-o galí<sup>2</sup> ilíni<sup>1</sup> tsá<sup>2</sup> tyú<sup>2</sup> 'e jileei<sup>21</sup> 'in ngi<sup>1</sup> coon<sup>13</sup> jna' jon' jileei<sup>21</sup> líi<sup>1</sup>i tsá<sup>2</sup> tyi'.

20 Pe Dios nigacwo<sup>1</sup>o 'naa' 'in Espíritu tyú<sup>2</sup> tya'a 'wii<sup>13</sup> joon ñii<sup>212</sup>oo' jilaa<sup>21</sup>. 21 'E síi<sup>3</sup>na 'e jí<sup>2</sup> lo tyii' 'wii<sup>13</sup> ñí<sup>3</sup> 'naa' jilaa<sup>21</sup> 'e la jai<sup>2</sup> jon' wa'a jo mo cwii<sup>1</sup>ii'. Ñí<sup>3</sup>oo' jon' 'e jiin<sup>13</sup> coon<sup>21</sup> júu<sup>3</sup> tajuu<sup>21</sup> jo 'ee la jai<sup>2</sup>.

22 Joon wana 'in jin<sup>2</sup> 'e jo jo<sup>2</sup> gatyii<sup>13</sup>in Dios Jmii<sup>21</sup> Jesus 'in tyán<sup>1</sup> júu<sup>3</sup> tya'a sii<sup>21</sup> Cristo, tajuu<sup>21</sup>mo 'in jin<sup>2</sup> la joon. 'In no 'in 'eei<sup>1</sup> Cristo. Jileei<sup>21</sup> 'in la 'í jo róø<sup>2</sup>i Dios Jmii<sup>21</sup> coon<sup>13</sup> Jóon<sup>1</sup>on. 23 Jilee<sup>21</sup> 'in jo róø<sup>1</sup>i Jóon<sup>1</sup> Dios jo cwii<sup>1</sup>in jon Dios Jmii<sup>21</sup>. Pe wana jin<sup>2</sup> tsá<sup>2</sup> Jóon<sup>1</sup> Dios Jmii<sup>21</sup> Jesús, 'in no cwii<sup>1</sup>mo jon Dios Jmii<sup>21</sup>.

24 'Wii<sup>13</sup> joon cwotii<sup>13</sup>-oo' 'e ganuu<sup>2</sup>uu' ca la mo 'wiin<sup>212</sup>. Joon wana jo tuu<sup>2</sup>uu' 'e júu<sup>3</sup> do 'e ganuu<sup>2</sup>uu' ca la mo 'wiin<sup>212</sup> ijoon<sup>2</sup>oon' licaan<sup>21</sup>naa' coon<sup>13</sup> Jóon<sup>1</sup> Dios joongi coon<sup>13</sup> Dios Jmii<sup>21</sup>. 25 Joon Jesu-cristo ga'íi<sup>2</sup> jna' júu<sup>3</sup> 'e icwo<sup>1</sup>o jna' coon<sup>21</sup> juncwii<sup>21</sup> itoon<sup>21</sup>on' coon<sup>13</sup> Dios coon<sup>21</sup> tøø<sup>2</sup>mo.

26 Jmoo<sup>13</sup>oo'o 'naa' júu<sup>3</sup> coon<sup>13</sup> jí<sup>2</sup> lo cwáain<sup>1</sup> tya' 'in 'iin<sup>212</sup>in cón<sup>2</sup> 'naa' tóo<sup>2</sup>. 27 Pe Jesucristo gacwo<sup>1</sup> 'naa' Espíritu Tyú<sup>2</sup> tya'a joon jo 'ná<sup>1</sup> jiin<sup>13</sup> jaain<sup>21</sup> 'e<sup>2</sup>e 'naa' tsu 'ña'o 'in Espíritu do i'e<sup>2</sup>e 'naa'. Joon jilaa<sup>21</sup> 'e 'e<sup>2</sup>e 'naa' jmai<sup>2</sup> 'e ja<sup>2</sup>mo jiin<sup>13</sup> coon<sup>21</sup> 'e tajuu<sup>21</sup>. Cwoseen<sup>21</sup>naa' sicaan<sup>21</sup>naa' coon<sup>13</sup>on la ga'e<sup>2</sup>e 'in Espíritu Tyú<sup>2</sup> do 'naa'.

28 Joon nano, yuun<sup>21</sup> tyiia, cwoseen<sup>2</sup>mogii' sicaan<sup>21</sup>naa' coon<sup>13</sup> Cristo. Coon<sup>13</sup> la joon jo cu<sup>2</sup>-tsi' mi jnéi<sup>1</sup> 'ido tún<sup>1</sup>. Joon mi jó<sup>1</sup> jo fa'ii<sup>21</sup> líi<sup>2</sup>naa' tyaní<sup>1</sup>i. 29 Tyú<sup>2</sup>-u ñí<sup>3</sup>oo' 'e jmai<sup>2</sup> 'e røø<sup>21</sup> jmoo<sup>1</sup>o Jesucristo. Cwoliñí<sup>3</sup>oo' jon 'e jilee<sup>21</sup> 'in jmoo<sup>1</sup>o røø<sup>21</sup> jóon<sup>1</sup> Dios 'ii.

### 3

#### *In líi<sup>1</sup>i jóon<sup>1</sup> Dios*

1 Cwo'ii<sup>2</sup>du'-'oo' xiiala 'iin<sup>212</sup>in Dios Jmii<sup>21</sup> jna' 'e gaunsii<sup>21</sup> jna' 'e jóon<sup>1</sup> Dios jna'. Joon la joon líi<sup>1</sup>na'. 'Wii<sup>13</sup> joon 'in jo cwii<sup>1</sup>in Dios taain<sup>212</sup> juncwii<sup>21</sup> jo cwii<sup>1</sup>in jna' jon tsu jo mo galicwii<sup>1</sup>in Dios. 2 Tsaru<sup>1</sup>u' 'in 'iin<sup>212</sup>na, la no líi<sup>1</sup>na' jóon<sup>1</sup> Dios joon jo galinee<sup>21</sup>e 'ee ilín<sup>2</sup>na' pe nee<sup>21</sup>o' 'e mi jnéi<sup>1</sup> Jesucristo ilín<sup>2</sup>mo' la líi<sup>1</sup>i tsu inee<sup>21</sup>mo' jiin<sup>13</sup> la líi<sup>1</sup>i. 3 Joon jilee<sup>21</sup> 'in jéin<sup>1</sup> 'ii untyú<sup>1</sup> yaai tsu tyú<sup>1</sup>mo Jesucristo.

4 Jileei<sup>21</sup> 'in 'noo<sup>1</sup>o tsaa<sup>2</sup> jo untiin<sup>13</sup>in júu<sup>3</sup> tya' Dios. La joon lí<sup>1</sup> tsaa<sup>2</sup> mo jo untiin<sup>13</sup> tsá<sup>2</sup> júu<sup>3</sup> tya' Dios. 5 Ñí<sup>3</sup>oo' 'e Jesucristo nicweei<sup>1</sup> ni cwoo<sup>13</sup> juncwii<sup>21</sup> 'e tyii<sup>21</sup> tsaa<sup>2</sup> tyi'. Joon jo mo ga'noo<sup>1</sup>o 'ido jiin<sup>13</sup> coon<sup>21</sup> tsaa<sup>2</sup>. 6 La joon jon jilee<sup>21</sup> 'in

sicaain<sup>21</sup> coon<sup>13</sup>on, jo ngi<sup>1</sup> to<sup>2</sup> 'noo<sup>1</sup>o tsaa<sup>2</sup>. Tsu jilee<sup>21</sup> 'in ngi<sup>1</sup> to<sup>2</sup> 'noo<sup>1</sup>o tsaa<sup>2</sup> jo mo ní<sup>2</sup> tiin<sup>13</sup> jo mo licwii<sup>1</sup>in Jesucristo. <sup>7</sup> Yuun<sup>21</sup> tyiia, jo cwoo<sup>2</sup>oo' 'e cón<sup>2</sup> tsá<sup>2</sup> 'naa' too<sup>2</sup>: 'In jmoo<sup>1</sup>o 'e tyú<sup>2</sup>, 'in tyú<sup>1</sup>mo 'i la tyú<sup>1</sup> Jesucristo. <sup>8</sup> La joon jon jilee<sup>21</sup> 'in ngi<sup>1</sup> to<sup>2</sup> 'noo<sup>1</sup>o tsaa<sup>2</sup> 'in 'lii<sup>3</sup>mo 'i. Tsu la mo 'wiin<sup>212</sup> ga'noo<sup>1</sup>o 'in 'lii<sup>3</sup> do tsaa<sup>2</sup>. Joon najó<sup>1</sup> 'in Joon<sup>1</sup> Dios jaxée<sup>1</sup> 'e nigajmaa<sup>1</sup> 'in 'lii<sup>3</sup> do.

<sup>9</sup> Jiin<sup>13</sup> jaain<sup>21</sup> jón<sup>1</sup> Dios jo ngi<sup>1</sup> to<sup>2</sup> 'noo<sup>1</sup>o tsaa<sup>2</sup> tsu Dios nigacwo<sup>1</sup>o 'in tsá<sup>2</sup> do coon<sup>21</sup> juncwii<sup>21</sup> 'múu<sup>2</sup>. Jo lí<sup>2</sup> 'noo<sup>1</sup>gi tsaa<sup>2</sup> tsu jón<sup>1</sup> Dios 'ii. <sup>10</sup> Lí<sup>2</sup>-i licwii<sup>1</sup>mo' 'iin jón<sup>1</sup> Dios joongi 'iin jón<sup>1</sup> 'in 'lii<sup>3</sup> tsu jilee<sup>21</sup> 'in jo jmoo<sup>1</sup>o 'e tyú<sup>2</sup> jon'gi 'iin<sup>212</sup>in ruu<sup>21</sup>i jo lí<sup>1</sup>i jón<sup>1</sup> Dios.

*Ili'nee<sup>2</sup>mo' la jaain<sup>21</sup> la jaan<sup>21</sup>na'*

<sup>11</sup> Tsu joon 'e júu<sup>3</sup> niganuu<sup>2</sup>uu' ca la mo 'wiin<sup>212</sup> lí<sup>1</sup> 'elo: Cwoli'iin<sup>212</sup>na' la jaain<sup>21</sup> la jaan<sup>21</sup>na'. <sup>12</sup> Jo jmoo<sup>21</sup>o' la gajmaa<sup>1</sup> a Caín, 'in líi<sup>1</sup> jón<sup>1</sup> 'in 'lii<sup>3</sup> joon gajngaa<sup>12</sup>mo ruu<sup>21</sup>i. ¿'Ee 'wii<sup>212</sup> gajngaa<sup>13</sup>i? Gajnga<sup>2</sup>mo 'wii<sup>13</sup> 'in ruu<sup>21</sup>i do gajmaa<sup>1</sup> 'e tyú<sup>2</sup> joon 'ii-gi gajmaa<sup>1</sup> 'e gó<sup>2</sup>.

<sup>13</sup> Tsaru<sup>1</sup>u', jo jmaa<sup>2</sup>aa' tsa'goo<sup>21</sup>-oo' 'e eei<sup>1</sup> 'naa' 'in tsá<sup>2</sup> 'in jo cwii<sup>1</sup>in Dios, 'in tí<sup>2</sup>-tsi jiin<sup>13</sup> 'e sá<sup>2</sup> fu juncwii<sup>21</sup> lo. <sup>14</sup> Néé<sup>3</sup>o' 'e ca la mo jéei<sup>1</sup> jo 'in caan<sup>21</sup>na' coon<sup>13</sup> Dios pe la no galicaan<sup>21</sup>mo' coon<sup>13</sup> Dios tsu 'iin<sup>212</sup>mo' 'in ru<sup>1</sup>u' catyaa<sup>2</sup> do. 'In jo 'iin<sup>212</sup>in ruu<sup>21</sup>i jo mo licaain<sup>21</sup> coon<sup>13</sup> Dios. <sup>15</sup> Jilee<sup>21</sup> 'in 'ee<sup>1</sup> ruu<sup>21</sup>i lawa'a 'in jngaai<sup>12</sup> tsá<sup>2</sup> 'ii. Joon ñí<sup>3</sup>oo' 'e jiin<sup>13</sup> jaain<sup>21</sup> 'in jngaai<sup>12</sup> tsá<sup>2</sup> jo téen<sup>2</sup>in juncwii<sup>21</sup> tya' Dios coon<sup>21</sup> tøøi<sup>2</sup>.

16 Nee<sup>21</sup>o' 'e gacwo<sup>1</sup> Jesucristo juncwii<sup>21</sup> tya'a 'wii<sup>13</sup> tyi'. Joon coon<sup>13</sup> la joon galitsáa<sup>1</sup>mo-tsi' xiiala 'ná<sup>1</sup> 'e 'iin<sup>212</sup>mo' Dios coon<sup>13</sup> tsá<sup>2</sup> xeei<sup>21</sup>. La gacwo<sup>1</sup> 'ii juncwii<sup>21</sup> tya'a la joon jon jna' 'ná<sup>1</sup> cwoo<sup>21</sup>o' juncwii<sup>21</sup> tyi' tya' tsaru<sup>1</sup>u'. 17 Wa jaain<sup>21</sup> tsá<sup>2</sup> 'in 'oo<sup>1</sup>o jilaa<sup>21</sup> 'e jmaa<sup>2</sup>i to<sup>2</sup> tya'a jøø<sup>2</sup>i jaain<sup>21</sup> tsaruu<sup>21</sup>i 'in sityéein<sup>1</sup> jmii<sup>212</sup> joon jo jmoo<sup>1</sup>o feei<sup>1</sup>-tsi 'wii<sup>212</sup> tya' 'ido jo ñí<sup>3</sup>ii xiiala cwéi<sup>1</sup> jin<sup>2</sup> 'in tsá<sup>2</sup> do: “'Iin<sup>212</sup>mo' Dios.” 18 Yaa<sup>21</sup> tyiia, jo to<sup>2</sup> 'í<sup>3</sup> wa'a jiin<sup>13</sup> fáa<sup>3</sup>a': “'Iin<sup>212</sup>mo' Dios coon<sup>13</sup> tsá<sup>2</sup>.” Tyú<sup>2</sup>gi wa'a 'ee<sup>2</sup>e' tsá<sup>2</sup> 'e 'e la ja<sup>2</sup>mo 'iin<sup>212</sup>mo' Dios coon<sup>13</sup> tsá<sup>2</sup> coon<sup>13</sup> jilaa<sup>21</sup> 'e jmoo<sup>21</sup>o'.

### *'E jo cu<sup>2</sup>-tsi' tyani Dios Jmii<sup>21</sup>*

19 Joon wa ngii<sup>21</sup>i' la joon cwoo<sup>13</sup>na' cwáain<sup>1</sup> yiia' 'e jo nitajuui<sup>21</sup> jna'. Joon cwoo<sup>13</sup>na' cwáain<sup>1</sup> yiia' 'e jo nitajuui<sup>21</sup> jna' tyani Dios. 20 Wana cwóo<sup>13</sup>o' tsaa<sup>2</sup> yiia' nee<sup>21</sup>o' 'e feei<sup>1</sup>gi Dios lagi jna' joon ñi<sup>1</sup> Dios jilaa<sup>21</sup>. 21 La joon, tsaru<sup>1</sup>u' 'in 'iin<sup>212</sup>na, wa'a jo cwóo<sup>13</sup>o' tsaa<sup>2</sup> yiia' lí<sup>2</sup>-i seen<sup>2</sup>na' jo cu<sup>2</sup>-tsi' tyani Dios. 22 Joon icwo<sup>1</sup>o Dios jna' jilaa<sup>21</sup> 'e mii<sup>21</sup>i' tsu jmoo<sup>21</sup>o' núu<sup>13</sup>u' to<sup>2</sup> tyu<sup>2</sup>u coon<sup>13</sup> jilaa<sup>21</sup> 'e 'yaa<sup>1</sup>-tsi tyi'. 23 Joon to<sup>2</sup> tyu<sup>2</sup>u 'e ja<sup>2</sup>mo líi<sup>2</sup>na' Joon<sup>1</sup>on Jesucristo joon tyu<sup>2</sup>u jna' jon to<sup>2</sup> 'e 'iin<sup>212</sup>mo' la jaain<sup>21</sup> la jaan<sup>21</sup>na' jiin<sup>13</sup> la nigajin<sup>2</sup>in. 24 Jileei<sup>21</sup> 'in jmoo<sup>1</sup>o la to<sup>2</sup> tyu<sup>2</sup>u téen<sup>1</sup>in sicaain<sup>21</sup> coon<sup>13</sup> Dios la joon jon téen<sup>1</sup>in Dios sicaain<sup>21</sup> coon<sup>13</sup> 'ii. Joon linee<sup>21</sup>e' 'e téen<sup>1</sup>in Dios sicaain<sup>1</sup> coon<sup>13</sup> jna' 'wii<sup>13</sup> 'in Esíritu Tyú<sup>2</sup> tya'a 'in gacwei<sup>2</sup> jna'.

## 4

*Xiiala líi<sup>1</sup>i 'in Espíritu Tyú<sup>2</sup> tya' Dios joongi xiiala líi<sup>1</sup>i 'in sii<sup>21</sup> anticristo*

<sup>1</sup> Tsaru<sup>1</sup>u' 'in 'iin<sup>212</sup>na, jo jai<sup>2</sup> cwolín<sup>21</sup>naa' jileei<sup>21</sup> 'in jin<sup>2</sup> 'e faa<sup>21</sup>o cwáain<sup>1</sup> tya' Dios. Cón<sup>2</sup>oon' cwáain<sup>1</sup> coon<sup>13</sup> ce tún<sup>2</sup> 'ee 'e faa<sup>21</sup>a 'ido. Nuú<sup>2</sup>uu' wana faa<sup>21</sup>a cwáain<sup>1</sup> tya' Dios owa jo faa<sup>21</sup>a 'ee. Røø<sup>2</sup>mo cwoo<sup>13</sup> juncwii<sup>21</sup> coon<sup>13</sup> 'in tsá<sup>2</sup> tajuui<sup>21</sup> 'in jin<sup>2</sup>in 'e faa<sup>21</sup>o cwáain<sup>1</sup> tya' Dios pe jo jo<sup>2</sup>. <sup>2</sup> Pe 'naa' cwii<sup>1</sup>moo' 'in Espíritu Tyú<sup>2</sup> tya' Dios. Joon jilee<sup>21</sup> 'in jin<sup>2</sup> 'e Jesucristo najó<sup>3</sup> líi<sup>1</sup>i tsá<sup>2</sup> faa<sup>21</sup>o 'ii<sup>21</sup> tya' Espíritu Tyú<sup>2</sup> tya' Dios. <sup>3</sup> Joon jilee<sup>21</sup> 'in jin<sup>2</sup> 'e jo mo jó<sup>1</sup> Jesucristo 'e líi<sup>1</sup>i tsá<sup>2</sup> jo faa<sup>21</sup>a 'ii<sup>21</sup> tya' Dios. Joon 'in jin<sup>2</sup> la joon 'ee<sup>1</sup>mo Jesucristo. Joon 'in tsá<sup>2</sup> 'in jin<sup>2</sup> la joon seen<sup>2</sup>mo fu juncwii<sup>21</sup> nano jiin<sup>13</sup> la nanú<sup>2</sup>uu' ijalín<sup>2</sup>.

<sup>4</sup> Yúun<sup>21</sup> tyiia, líi<sup>1</sup>naa' jóon<sup>1</sup> Dios joon galií<sup>2</sup>oo' 'in tajuui<sup>21</sup> do tsu 'in feei<sup>1</sup>gi 'in cwo<sup>1</sup> 'naa' pí<sup>3</sup> lagi 'in cwo<sup>1</sup> pí<sup>3</sup> 'in catyaai<sup>21</sup> do xufiin<sup>13</sup> tyu<sup>2</sup> 'ido to<sup>2</sup> juncwii<sup>21</sup>. <sup>5</sup> 'In tsá<sup>2</sup> tajuui<sup>21</sup> do faa<sup>21</sup>o jmai<sup>2</sup> tya' 'e sá<sup>2</sup> ni cwoo<sup>13</sup> juncwii<sup>21</sup> tsu tii<sup>21</sup> jmai' 'e sá<sup>2</sup> juncwii<sup>21</sup> lo. Joon líi<sup>1</sup> tí<sup>2</sup>-tsi tsá<sup>2</sup> taain<sup>212</sup> juncwii<sup>21</sup> núu<sup>2</sup>un júu<sup>3</sup> tya'a. <sup>6</sup> Pe jileei<sup>21</sup> jna' lín<sup>2</sup>na' jóon<sup>1</sup> Dios. Joon jileei<sup>21</sup> 'in cwii<sup>1</sup>in Dios núu<sup>2</sup>o 'e faa<sup>13</sup>a' joon 'in jo núu<sup>2</sup>un 'e faa<sup>13</sup>a' do jo líi<sup>1</sup>i tsá<sup>2</sup> tya' Dios. Joon coon<sup>13</sup> la joon lí<sup>2</sup> tsáa<sup>1</sup>mo-tsi' 'iin faa<sup>21</sup> la jai<sup>2</sup> joongi 'iin faa<sup>21</sup> júu<sup>3</sup> tajuu<sup>21</sup>.

*Tin<sup>212</sup>mo Dios jna' 'áa<sup>1</sup>mo*

<sup>7</sup> Tsaru<sup>1</sup>u' 'in 'iin<sup>212</sup>na, cwoli'iin<sup>212</sup>mo' la jaain<sup>21</sup> la jaan<sup>21</sup>na'. Dios jmaa<sup>1</sup>a 'ii<sup>21</sup> 'e li'iin<sup>212</sup>na' la jaain<sup>21</sup>



la jaan<sup>21</sup>na'. Joon jileei<sup>21</sup> 'in 'iin<sup>212</sup>in Dios joon 'iin<sup>212</sup>mo jon tsá<sup>2</sup> lí<sup>1</sup>mo jóon<sup>1</sup> Dios joon cwii<sup>1</sup>mo Dios. <sup>8</sup>In jo 'iin<sup>212</sup>in Dios la joon jon jo 'iin<sup>212</sup> tsá<sup>2</sup> jon'gí Dios mo licwii<sup>1</sup>in tsá<sup>2</sup> tsə jilaa<sup>21</sup> 'e jmoo<sup>1</sup>o Dios Jmii<sup>21</sup> 'e 'e<sup>2</sup>e tsá<sup>2</sup> 'e 'iin<sup>212</sup>mo Dios Jmii<sup>21</sup> tsá<sup>2</sup>. <sup>9</sup>Jaan<sup>21</sup>mo Jóon<sup>1</sup> Dios 'in seein<sup>21</sup> joon gasii<sup>1</sup>in Dios 'i fu juncwii<sup>21</sup> 'e 'wii<sup>212</sup> 'ii lí<sup>2</sup> cwo<sup>1</sup> jna' coon<sup>21</sup> juncwii<sup>21</sup> 'múui<sup>2</sup>. Coon<sup>13</sup> la joon ga'e<sup>2</sup>e Dios jna' xiala 'iin<sup>212</sup>in jna'. <sup>10</sup>Gali'iin<sup>212</sup>mo Dios Jmii<sup>21</sup> jilaa<sup>21</sup> 'e gajmaa<sup>1</sup>a. Joon gasii<sup>1</sup>in Jóon<sup>1</sup>on fu juncwii<sup>21</sup> lawa coon<sup>21</sup> fa<sup>1</sup> 'e jatyi<sup>1</sup>i jilaa<sup>21</sup> tsaa<sup>2</sup> tyi' 'e jo jmaa<sup>1</sup>gí Dios Jmii<sup>21</sup> 'nii<sup>21</sup>-tsi tyi'. Gajmaa<sup>1</sup> Dios Jmii<sup>21</sup> la joon 'wii<sup>13</sup> 'iin<sup>212</sup>mo jna' jon' wa'a jna' 'ná<sup>1</sup> 'e li'iin<sup>212</sup>na' 'ii.

<sup>11</sup>Tsaru<sup>1</sup>u' 'in 'iin<sup>212</sup>na, wana nagali'iin<sup>212</sup> Dios jna' la joon jon jna' 'ná<sup>1</sup>-a li 'iin<sup>212</sup>mo' tsaru<sup>1</sup>u'. <sup>12</sup>Jiin<sup>13</sup> jaain<sup>21</sup> jo mo ganii<sup>2</sup>in Dios pe wana 'iin<sup>212</sup>mo' la jaain<sup>21</sup> la jaan<sup>21</sup>na' ngii<sup>1</sup> Dios coon<sup>13</sup> jna' joon coon<sup>13</sup> la joon untsiin<sup>21</sup> jna' 'e 'iin<sup>212</sup>mo Dios jna'. <sup>13</sup>Gacwo<sup>1</sup>o Dios Jmii<sup>21</sup> jna' 'in Espíritu Tyú<sup>2</sup> tya'a, 'wii<sup>13</sup> joon tsáa<sup>1</sup>mo-tsi' 'e ngii<sup>21</sup>i' sicaan<sup>21</sup>na' coon<sup>13</sup> Dios 'e joon ngii<sup>1</sup> 'ido jon coon<sup>13</sup> jna'. <sup>14</sup>Joon niganee<sup>21</sup>e' joon jmoo<sup>21</sup>o' júu<sup>3</sup> 'e Dios Jmii<sup>21</sup> gasii<sup>1</sup>in Jóon<sup>1</sup>on 'e jmaa<sup>1</sup>a tiin<sup>13</sup> tsá<sup>2</sup> taain<sup>212</sup> fu juncwii<sup>21</sup>. <sup>15</sup>Joon doñi'iin ijin<sup>2</sup> 'e Jesús lí<sup>1</sup>i Jóon<sup>1</sup> Dios Jmii<sup>21</sup> ngii<sup>1</sup> Dios caain<sup>21</sup> coon<sup>13</sup> 'i la joon jon ngi<sup>1</sup> 'ii caain<sup>21</sup> coon<sup>13</sup> Dios.

<sup>16</sup>Galinee<sup>2</sup>o' joon galija<sup>2</sup>mo líi<sup>2</sup>na' 'e 'iin<sup>212</sup> Dios Jmii<sup>21</sup> jna'. Jilaa<sup>21</sup> 'e jmoo<sup>1</sup>o Dios 'e 'e<sup>2</sup>e tsá<sup>2</sup> 'e 'iin<sup>212</sup>mo Dios Jmii<sup>21</sup> tsá<sup>2</sup> joon jileei<sup>21</sup> 'in ngi<sup>1</sup> 'né<sup>2</sup>i tsaruu<sup>21</sup>i ngii<sup>1</sup> 'i coon<sup>13</sup> Dios joon Dios ngii<sup>1</sup>o jon

coon<sup>13</sup> 'i. 17 Coon<sup>13</sup> la joon untii<sup>13</sup> jna' 'e 'iin<sup>212</sup>mo' Dios coon<sup>13</sup> tsá<sup>2</sup> 'e jo cu<sup>2</sup>-tsi' mi cwá<sup>1</sup> jmii<sup>212</sup> lí tséi<sup>1</sup> mi jmáa<sup>1</sup> a Dios Jmii<sup>21</sup> 'ii<sup>21</sup> tsu la lí<sup>1</sup>i Jesucristo lí<sup>1</sup>na' toon<sup>21</sup>on' juncwii<sup>21</sup> lo. 18 Jo 'goo<sup>21</sup>o tsá<sup>2</sup> mo 'iin<sup>212</sup>in la jai<sup>2</sup> Dios coon<sup>13</sup> tsá<sup>2</sup>. Mo 'iin<sup>212</sup>in tsá<sup>2</sup> Dios coon<sup>13</sup> tsá<sup>2</sup> xeei<sup>21</sup> la jai<sup>2</sup> jo cwoo<sup>1</sup>i li'goo<sup>21</sup>o. Tsu mo jmoo<sup>1</sup>o tsá<sup>2</sup> 'goo<sup>21</sup>o ní<sup>3</sup> tsá<sup>2</sup> wúu<sup>1</sup> coon<sup>13</sup> 'e jmoo<sup>1</sup>o 'goo<sup>21</sup>o. Joon 'in jmoo<sup>1</sup>o 'goo<sup>21</sup>o jo mo gaun'yee<sup>21</sup>i 'e 'iin<sup>212</sup>in Dios la jai<sup>2</sup>.

19 Jna'o' 'iin<sup>212</sup>mo' Dios coon<sup>13</sup> tsá<sup>2</sup> tsu 'wii<sup>13</sup> nigali'in<sup>212</sup>mo Dios jna' jéei<sup>1</sup>gi. 20 Wana jin<sup>2</sup> tsá<sup>2</sup>: “'iin<sup>212</sup>mo Dios”, pe joon 'ee<sup>1</sup>mo ruu<sup>21</sup>i, tajuu<sup>21</sup>mo 'ii. Tsu jo ní<sup>3</sup>ii xiiala cwoi<sup>1</sup> 'e jin<sup>2</sup>in 'e 'iin<sup>212</sup>in Dios 'in jo mo nii<sup>1</sup>i pe 'ee<sup>1</sup>mo ruu<sup>21</sup>i 'in niganí<sup>2</sup>. 21 Dios nigatyu<sup>2</sup>u jna' to<sup>2</sup>: Jilee<sup>21</sup> 'in 'iin<sup>212</sup> Dios 'ná<sup>1</sup>-a jon 'iin<sup>212</sup>in ruu<sup>21</sup>i.

## 5

### *'E nili<sup>1</sup>o' jilaa<sup>21</sup> 'e gó<sup>2</sup>*

1 Jilee<sup>21</sup> 'in jai<sup>2</sup> lí<sup>1</sup>i<sup>2</sup> 'e Jesús lí<sup>1</sup>i Cristo, ('øøi<sup>21</sup>-tsi tsá<sup>2</sup> jaain<sup>21</sup> 'in Dios gasii<sup>1</sup>in jajmaa<sup>1</sup> a tiin<sup>13</sup> tsá<sup>2</sup>) jaain<sup>21</sup> jóon<sup>1</sup> Dios 'ii. Joon wa'a 'iin<sup>212</sup>in tsá<sup>2</sup> jmii<sup>21</sup> xuui<sup>212</sup> i'in<sup>212</sup>mo jon 'in xuui<sup>212</sup> do. 2 Wana 'iin<sup>212</sup>na' Dios joon jmoo<sup>21</sup>o' jilaa<sup>21</sup> to<sup>2</sup> tyu<sup>2</sup>u coon<sup>13</sup> la joon tsáa<sup>1</sup>mo-tsi' 'e 'iin<sup>212</sup>mo' jon jilee<sup>21</sup> 'in tsaru<sup>1</sup>u' 'in lí<sup>1</sup>i jóon<sup>1</sup> Dios. 3 'iin<sup>212</sup>mo tsá<sup>2</sup> Dios jiin<sup>13</sup> mo jmoo<sup>1</sup>o tsá<sup>2</sup> nuu<sup>13</sup>un jilaa<sup>21</sup> to<sup>2</sup> tyu<sup>2</sup>u joon jo 'áai<sup>1</sup> 'ii<sup>21</sup> to<sup>2</sup> tyu<sup>2</sup>u, 4 tsu jilee<sup>21</sup> 'in lí<sup>1</sup>i jóon<sup>1</sup> Dios gali<sup>1</sup>o 'naai<sup>212</sup> jilaa<sup>21</sup> 'e gó<sup>2</sup> jmoo<sup>1</sup>o tsá<sup>2</sup> taain<sup>212</sup> juncwii<sup>21</sup>. Joon lí<sup>13</sup>o' 'naai<sup>212</sup> jilaa<sup>21</sup> 'e gó<sup>2</sup> 'e jmoo<sup>1</sup>o tsá<sup>2</sup> 'in 'eei<sup>1</sup> jna' 'wii<sup>13</sup> gali<sup>2</sup>mo lí<sup>1</sup>na'

Jesús. <sup>5</sup> Joon jiin<sup>13</sup> 'in nigaja<sup>2</sup>mo líí<sup>2</sup> 'e Jesús líí<sup>1</sup> Joon<sup>1</sup> Dios lí<sup>2</sup>-i líi<sup>1</sup>'i 'naai<sup>212</sup> 'e gó<sup>2</sup> 'e jmoo<sup>1</sup>o tsá<sup>2</sup>.

*'E júu<sup>3</sup> ja<sup>2</sup>mo ga'í<sup>1</sup> Dios Jmii<sup>21</sup> 'wii<sup>212</sup> tya' Joon<sup>1</sup>on*

<sup>6</sup> Gasaai<sup>1</sup> Wó<sup>3</sup> 'in Jesús do jmí<sup>21</sup>. Joon coon<sup>13</sup> jmí<sup>21</sup> 'e gasaai<sup>1</sup> Wó<sup>3</sup> do joon coon<sup>13</sup> jmí<sup>1</sup> 'e tuun<sup>21</sup> tya'a mo júun<sup>2</sup>in je tún<sup>2</sup> do gajmaa<sup>1</sup>a júu<sup>3</sup> 'e la ja<sup>2</sup>mo najó<sup>3</sup> Jesucristo. Jon' wa' jiin<sup>13</sup> jmí<sup>21</sup> do pe coon<sup>13</sup> jmí<sup>21</sup> joongi coon<sup>13</sup> jmí<sup>1</sup> do. La joon jon 'in Espíritu Tyú<sup>2</sup> tya' Dios jmaa<sup>1</sup>a júu<sup>3</sup> joon 'in ja<sup>2</sup>mo 'in Espíritu Tyú<sup>2</sup> do. <sup>7-8</sup> Joon ni cwoo<sup>13</sup> juncwii<sup>21</sup> 'ní<sup>1</sup> 'ii<sup>13</sup> 'in 'elo jmoo<sup>13</sup> júu<sup>3</sup>. Joon 'e 'láa<sup>2</sup> 'wii<sup>212</sup> 'in Espíritu Tyú<sup>2</sup> tya' Dios Jmii<sup>21</sup>, joon tí<sup>2</sup> tún<sup>2</sup> jmí<sup>21</sup> joon tí<sup>2</sup> 'ní<sup>1</sup> jmí<sup>1</sup> 'øø<sup>2</sup>i. Joon jee<sup>212</sup> 'ní<sup>1</sup> do røø<sup>21</sup> júu<sup>3</sup> jmoo<sup>13</sup>. <sup>9</sup> Wa 'ii<sup>13</sup>mo' lawa 'e jai<sup>2</sup> júu<sup>3</sup> jmoo<sup>1</sup>o tsá<sup>2</sup>, 'e tyiin<sup>2</sup>gi 'e 'ii<sup>13</sup>mo' júu<sup>3</sup> gajmaa<sup>1</sup>a Dios tsu feei<sup>1</sup>gi Dios lagi tsá<sup>2</sup>. Joon 'e júu<sup>3</sup> gajmaa<sup>1</sup>a Dios jmo<sup>2</sup>o jna' júu<sup>3</sup> cwáain<sup>1</sup> tya' Joon<sup>1</sup>on. <sup>10</sup> Joon jileei<sup>21</sup> 'in jai<sup>2</sup> líí<sup>2</sup>i Joon<sup>1</sup> Dios ñi<sup>1</sup>o yaai 'e ja<sup>2</sup>mo 'e júu<sup>3</sup> ga'í<sup>2</sup> Dios cwáain<sup>1</sup> tya'a. Pe jileei<sup>21</sup> 'in jo jai<sup>2</sup> líí<sup>2</sup> Dios sáa<sup>1</sup>i Dios lawa jaain<sup>21</sup> tsá<sup>2</sup> tajuui<sup>21</sup> tsu jo mo ga'ii<sup>21</sup>i júu<sup>3</sup> ga'í<sup>2</sup> Dios cwáain<sup>1</sup> tya' Joon<sup>1</sup>on. <sup>11</sup> Joon 'e júu<sup>3</sup> jai<sup>2</sup> ga'í<sup>2</sup> Dios cwáain<sup>1</sup> tya' Joon<sup>1</sup>on jin<sup>2</sup> 'e Dios nigacwo<sup>1</sup> jna' coon<sup>21</sup> juncwii<sup>21</sup> 'múui<sup>2</sup> 'e taa<sup>21</sup> coon<sup>21</sup> tøø<sup>2</sup>mo. 'Wii<sup>13</sup> tya' Joon<sup>1</sup>on gacwo<sup>1</sup> Dios jna' 'e juncwii<sup>21</sup> 'múui<sup>2</sup> do. <sup>12</sup> Joon jilee<sup>21</sup> 'in ngí<sup>1</sup> sicaain<sup>21</sup> coon<sup>13</sup> Joon<sup>1</sup> Dios niga'ii<sup>21</sup>mo 'e juncwii<sup>21</sup> 'muui<sup>21</sup> do. Pe jileei<sup>21</sup> 'in jo jai<sup>2</sup> líí<sup>2</sup> Joon<sup>1</sup> Dios jo mo ga'ii<sup>21</sup> 'e juncwii<sup>21</sup> do.

*Júu<sup>3</sup> tyú<sup>2</sup> li gatséi<sup>1</sup>*

13 Nigasi<sup>1</sup>na 'e jí<sup>2</sup> lo tyii' 'in jai'<sup>2</sup> líi<sup>2</sup> Joon<sup>1</sup> Dios 'e litsáa<sup>1</sup>mo-'oo' 'e niga'ii'<sup>13</sup>mo' coon<sup>21</sup> juncwii<sup>21</sup> 'múui<sup>2</sup> 'e jo tyéi<sup>1</sup>.

14 Jo cu'<sup>2</sup>-tsi' coon<sup>13</sup> Dios tsu nee<sup>2</sup>o' wa mo mi<sup>21</sup>i' 'e 'yaai<sup>1</sup>-tsi Dios ití<sup>2</sup> júu<sup>3</sup> tyi'. 15 Joon nee<sup>2</sup>o' wa ganúu<sup>2</sup>uun Dios júu<sup>3</sup> tyá<sup>2</sup> tyi' nee<sup>2</sup>o' jon 'e ga'ii'<sup>13</sup>mo' 'e gami<sup>21</sup>i'.

16 Wa nali'<sup>3</sup>i' 'e 'noo<sup>1</sup>o jaain<sup>21</sup> ru'<sup>1</sup>u' tsaa<sup>2</sup> 'e jmoo<sup>1</sup> jo júun<sup>2</sup>in tsá<sup>2</sup> 'ná<sup>1</sup>-a faa'<sup>13</sup>a' júu<sup>3</sup> tyá<sup>2</sup> 'wii'<sup>212</sup> tya'a. Joon i'íin<sup>1</sup>mo Dios tsaa<sup>2</sup> tya'a wa jo ga'noo<sup>1</sup>o tsaa<sup>2</sup> 'e jmoo<sup>1</sup>o júun<sup>2</sup>in tsá<sup>2</sup>. Sá<sup>2</sup>-a tsaa<sup>2</sup> 'e jmá<sup>1</sup> júun<sup>2</sup>in tsá<sup>2</sup> joon jo 'ná<sup>1</sup> faa'<sup>13</sup>a' júu<sup>3</sup> tyá<sup>2</sup> tya'a 'e joon. 17 Jilaa'<sup>21</sup> 'e gó<sup>2</sup> jmoo<sup>1</sup>o tsá<sup>2</sup> lí<sup>2</sup> tsaa<sup>2</sup> tyani Dios pe sá<sup>2</sup>-a coon<sup>21</sup> tsaa<sup>2</sup> 'e jo júun<sup>2</sup>in tsá<sup>2</sup>.

18 Nee<sup>2</sup>o' 'e jileei'<sup>21</sup> tsá<sup>2</sup> 'in líi<sup>1</sup>i' joon<sup>1</sup> Dios jo ngi<sup>1</sup> to<sup>2</sup> 'noo<sup>1</sup>o tsaa<sup>2</sup> tsu un'øø'<sup>1</sup>mo Joon<sup>1</sup> Dios 'ii. Joon jo líi'<sup>21</sup>i 'in 'líi'<sup>3</sup> 'ii.

19 Nee<sup>2</sup>o' 'e líin<sup>2</sup>na' joon<sup>1</sup> Dios joon tyu'<sup>2</sup>u 'in 'líi'<sup>3</sup> to<sup>1</sup> jilee'<sup>21</sup> 'in catyaa<sup>2</sup>, 'in jo cwii<sup>1</sup>in Dios.

20 Nee<sup>2</sup>o' jon 'e najó<sup>3</sup> Joon<sup>1</sup> Dios. Joon 'ii-o nagacwo'<sup>1</sup> jna' 'e licwii<sup>1</sup>mo' Dios 'in jai'<sup>2</sup>. Joon toon<sup>21</sup>on' sicaan<sup>21</sup>na' coon<sup>13</sup> 'in jai'<sup>2</sup> do. 'Iin 'in Joon<sup>1</sup> Dios Jesucristo. Joon Jesucristo Dios 'in jai'<sup>2</sup> joon 'oo<sup>1</sup>-o coon<sup>21</sup> juncwii<sup>21</sup> 'e cwo'<sup>1</sup> Dios tsá<sup>2</sup> 'e jo tyéi<sup>1</sup>. 21 Yuu<sup>21</sup> tyiia, un'øøi'<sup>21</sup> yaanaa' coon<sup>13</sup> jilee'<sup>21</sup> dioses 'in gajmeei<sup>1</sup> tsá<sup>2</sup> 'in jo jai'<sup>2</sup>. Amén.

**Juu<sup>3</sup> ty<sup>2</sup> 'e gafaa<sup>'21</sup> Dios tya' tsá<sup>2</sup>**  
**New Testament in Chinantec, Quiotepec**  
**(MX:chq:Chinantec, Quiotepec)**

copyright © 1983 Wycliffe Bible Translators, Inc.

Language: Chinantec, Quiotepec

Translation by: Wycliffe Bible Translators, Inc.

Chinanteco, Quiotepec [chq], Mexico

**Copyright Information**

© 1983, Wycliffe Bible Translators, Inc.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

**The New Testament**

in Chinantec, Quiotepec

**© 1983, Wycliffe Bible Translators, Inc.**

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-22

---

PDF generated using Haiola and XeLaTeX on 11 Nov 2022 from source files  
dated 29 Jan 2022

3808f8d2-c323-5477-a114-0f18fe74613e